

Fréttatilkynning frá Nýherja
Reykjavík, 24. apríl 2013

Tap af rekstri á fyrsta ársfjórðungi

Helstu upplýsingar:

- EBITDA nam 22 mkr og heildartap 123 mkr á fyrsta ársfjórðungi.
- Umtalsvert tap af rekstri erlendra dótturfélaga.
- Handbært fé í lok tímabilsins nam 298 mkr.
- Stöðugur vöxtur og góð afkoma af sölu á eigin hugbúnaðarvörum.
- Efnahagsóvissa heldur enn aftur af fjárfestingum fyrirtækja á Íslandi sem hefur neikvæð áhrif á vörusölu.
- Vaxandi þjónustutekjur hjá Nýherja innanlands.

Þórður Sverrisson, forstjóri:

„Afkoma af rekstri Nýherjasamstæðunnar er undir áætlun og umtalsvert tap var af rekstri erlendra dótturfélaga. Á innlendum markaði er samdráttur í vörusölu og virðist geta fyrirtækja til fjárfestinga í tæknibúnaði enn takmörkuð. Þjónustutekjur innlendra félaga jukust og gengið var frá mikilvægum þjónustusamningum í fjórðungnum. Sala á Tempo, eigin hugbúnaðarlausn TM Software tvöfaldaðist frá fyrra ári og áfram eru horfur um góðan vöxt“.

Rekstrarniðurstaða á fyrsta ársfjórðungi 2013

Ársfjórðungsyfirlit - Lykiltölur					
Í milljónum ISK	F1 2013	F4 2012	F3 2012	F2 2012	F1 2012
Seldar vörur og þjónusta	3.195	3.622	3.068	3.674	3.818
Vörunotkun og kostn.verð seldrar þj...	(2.552)	(2.893)	(2.359)	(2.968)	(3.051)
Framlegð	643	729	709	706	766
Rekstrarkostnaður	(697)	(658)	(652)	(682)	(698)
Virðisrýrnun viðskiptavildar	0	(92)	0	0	0
(Tap) hagnaður fyrir fjármunatekjur og fjármagnsgjöld	(54)	(21)	56	24	68
Hrein fjármagnsgjöld	(80)	(63)	(48)	(39)	(67)
(Tap) hagnaður fyrir tekjuskatt	(134)	(84)	8	(15)	1
Tekjuskattur	22	196	(4)	7	(1)
(Tap) hagnaður tímabilsins	(112)	112	4	(8)	0,5
Rekstrarliðir færðir beint á eigið fé	(11)	9	1	(22)	14
(Heildartap) –hagnaður tímabilsins	(123)	121	5	(30)	15
EBITDA	22	146	125	87	123

- Sala á vöru og þjónustu nam 3.195 mkr á fyrsta ársfjórðungi samanborið við 3.818 mkr á sama tímabili 2012 og lækkar því um 623 mkr. Tekjur Nýherja innanlands og erlendra félaga lækka verulega á milli ára.
- EBITDA nam 22 mkr í ársfjórðungnum samanborið við 123 mkr EBITDA á fyrsta ársfjórðungi 2012.
- EBITDA hlutfall á fyrsta ársfjórðungi er 0,7% en var 3,2% á fyrsta ársfjórðungi 2012.
- Heildartap í ársfjórðungnum nam 123 mkr samanborið við 15 mkr heildarhagnað á fyrsta ársfjórðungi 2012.

Efnahagsreikningur 31.03.2013 - Lykiltölur		
Í milljónum ISK	31.03.2013	31.12.2012
Fastafjármunir	4.477	4.537
Veltufjármunir	3.058	3.562
Eignir samtals	7.535	8.099
Eigið fé	2.149	2.293
Langímaskuldir	2.808	2.773
Skammtímaskuldir	2.578	3.034
Eigið fé og skuldir samtals	7.535	8.099
Veltufjárhlutfall	1,19	1,17
Eiginfjárhlutfall	28,5%	28,3%

- Veltufjármunir lækka frá áramótum vegna lækkunar viðskiptakrafna og annarra skammtímakrafna.
- Veltufjárhlutfall stendur í 1,19 í lok fyrsta ársfjórðungs en var 1,17 um síðustu áramót.
- Eiginfjárhlutfall hækkar frá áramótum úr 28,3% í 28,5%.
- Vaxtaberandi skuldir hafa hækkað um 90 mkr eða um 2,7% frá áramótum, úr 3.272 mkr í 3.361 mkr
- Skammtímaskuldir hafa lækkað um 456 mkr frá áramótum.

Sjóðstreymi - Lykiltölur		
Í milljónum ISK	F1 2013	F1 2012
Handbært fé frá rekstri	46	216
Fjárfestingahreyfingar.....	(101)	(48)
Fjármögnunarahreyfingar.....	139	(129)
Hækkun á handbæru fé.....	84	39
Áhrif gengisbreytinga á handbært fé	(4)	16
Handbært fé í ársbyrjun	218	316
Handbært fé í lok tímabilsins	298	371

- Handbært fé frá rekstri er 46 mkr en var 216 mkr í fyrsta ársfjórðungi 2012.
- Fjárfesting í rekstrarfjármunum er 53 mkr hærri í fyrsta ársfjórðungi 2013 samanborið við fyrra ár.
- Undir fjármögnunarahreyfingum er hækkun lána að fjárhæð 139 mkr samanborið við lækkun um 129 mkr á sama tímabili í fyrra.
- Hækkun á handbæru fé er 84 mkr í ársfjórðungnum samanborðið við 39 mkr hækkun á sama tímabili 2012.
- Handbært fé í lok tímabilsins nemur 298 mkr.

Vörusala og afkoma Nýherja undir áætlun

Tekjur og afkoma Nýherja innanlands voru undir áætlun í fyrsta ársfjórðungi 2013. Sala á vörum til fyrirtækja var undir áætlun á tímabilinu. Töluverð aukning varð í sölu á PC búnaði, sem endurspeglar sterka stöðu Lenovo á fyrirtækjamarkaði. Sala á stærri lausnum fyrir fyrirtæki minnkaði umtalsvert frá sama tímabili í fyrra og endurspeglar það skýrt þann hægagang og óvissuástand sem er í íslensku efnahagslífi.

Þjónustutekjur fara vaxandi og aukin eftirspurn er eftir alrekstrarþjónustu, þar sem Nýherji annast allan tölvurekstur viðskiptavina, gegn föstu mánaðargjaldi. Tekjur af Rent a prent prentþjónustu hafa einnig aukist. Nýjar þjónustulausnir eru í stöðugri þróun og var Tölvuskýi Nýherja formlega hleypt af stokkunum í janúar og skapar það sóknarfæri í sölu á fjölþættri skýþjónustu. Þjónustustig hefur haldist hátt í rekstarþjónustu sem hefur tryggt félaginu nýja þjónustusamninga við fyrirtæki og bæjarfélög.

Myndarleg aukning var í sölu á Canon myndbúnaði á einstaklingsmarkaði á milli ársfjórðunga og leggjast nýjungar frá framleiðandanum greinilega vel í íslenska atvinnu- og áhugaljósmyndara. Áframhaldandi aukning er á sölu í netverslun og ljóst að viðskiptavinir eru í auknum mæli farnir að nýta sér auðvelt aðgengi að vöruupplýsingum, lipurt pöntunarferli og þægilega heimsendingarþjónustu.

Breytingar á skipulagi Nýherja innanlands voru kynntar í ársfjórðungnum, en markmið þeirra er að skerpa á verkaskiptingu stjórnenda og skýra áherslur í starfsemi Nýherja innanlands. Finnur Oddsson, aðstoðarforstjóri Nýherja hf., er ábyrgur fyrir mörkun stefnu og daglegum rekstri Nýherja innanlands. Framkvæmdarstjórnar fyrir Nýherja innanlands eru: Emil Einarsson, framkvæmdastjóri vörusviðs, Gunnar Zoëga, framkvæmdastóri tæknisviðs og Elsa M. Ágústsdóttir, framkvæmdastjóri smásöluviðs.

Í janúar tók Gunnar Már Petersen við starfi framkvæmdastjóra fjármálasviðs samstæðunnar.

Sala á hugbúnaðarlausnum vex hratt

Rekstur TM Software, sem sérhæfir sig í vef- og hugbúnaðarlausnum, var góður á fyrsta ársfjórðungi og voru tekjur og afkoma umfram áætlun og árangur síðasta árs. Tekjur TM Software í ársfjórðungnum hækkuðu töluvert frá sama tímabili í fyrra, einkum er vöxtur bæði í heilbrigðislausnum og í sölu á Tempo tímaskráningarkerfi TM Software. Tekjur erlendis nær tvöfölduðust og góð verkefnastaða innanlands hefur skilað auknum tekjum.

Þróunarkostnaður er verulegur á hugbúnaði á sviði heilbrigðislausna og Tempo. Áfram eru góðar horfur um vaxandi sölu á Tempo hugbúnaði á erlendum mörkuðum, en hugbúnaðurinn hefur verið þýddur á 12 tungumál og er seldur í 80 löndum. Í ljósi aukinna umsvifa hefur starfsfólki TM Software fjölgað um 15% á skömmum tíma.

Afkoma Applicon ehf., sem starfar á sviði viðskiptahugbúnaðar var yfir áætlun. Á tímabilinu var unnið að fjölbreyttum verkefnum á Íslandi sem og erlendis, en stærsta verkefnið var innleiðing með Applicon í Svíþjóð á SAP bankalausn fyrir sænska bankann Landshypotek og lýkur þeirri innleiðingu formlega í apríl. Verkefnastaða á hugbúnaðarmarkaði innanlands hefur batnað og horfur eru ágætari fyrir síðari hluta ársins.

Umtalsvert tap á rekstri erlendra dótturfélaga

Tap var á rekstri Applicon í Svíþjóð, en það fyrirtæki leggur áherslu á þjónustu við banka og fjármálafyrirtæki. Hluta af tapinu má rekja til mikils þróunarkostnaðar á bankalausn Applicon sem byggir á SAP og hefur verið innleidd fyrir Landshypotek bankann. Endanlegri afhendingu kerfisins til Landshypotek lýkur nú í apríl, en bankinn tók í notkun útlánakerfi, innlánakerfi, tryggingakerfi og viðskiptamannakerfi frá SAP. Innleiðingin hjá Landshypotek mun styrkja enn frekar langtíma þjónustutekjur Applicon auk þess sem aðrir bankar hafa nú til skoðunar möguleika á að innleiða bankalausn Applicon.

Tap var á rekstri Applicon í Danmörku. Stjórnendur félagsins hafa unnið að því að draga úr áhættu í rekstri með því að lækka fastan kostnað og treysta tekjur þess, en þó gert ráð fyrir erfiðum rekstri á næsta árfjórðungi.

Afkoma af rekstri Dansupport A/S í Danmörku var undir áætlun, en félagið sérhæfir sig í innviðum upplýsingatæknikerfa. Eftirspurn er enn undir væntingum hjá meðalstórum og smærri fyrirtækjum eftir tæknibúnaði og þjónustu á danska markaðnum. Áætlanir stjórnenda gera ráð fyrir hægum bata í rekstri og afkomu.

Horfur

Samdráttur og óvissa í efnahagslífi á Íslandi hafa enn áhrif á fjárfestingar fyrirtækja, sem enn eru lágar í sögulegu samhengi og er nú nauðsyn á að aftur færist líf í fjárfestingar á innlendum markaði á næstu mánuðum. Rekstur í Danmörku verður erfiður til skemmri tíma en áætlað er að starfsemin eflist á næstu misserum. Gert er ráð fyrir áframhaldandi jákvæðum rekstri hjá innlendum félögum samstæðunnar og að áætlanir innanlands muni nást.

Hluthafar

Markaðsvirði fyrirtækisins í lok mars var 1.400 mkr. Lokaverð í árfjórðungnum var kr. 3,50 á hlut. Hæsta lokaverð var kr. 4,05 á hlut meðan lægsta verð var kr. 3,48 á hlut. Meðallokaverð á ársfjórðungnum var kr. 3,62 á hlut. Fjöldi útgefinna hluta þann 31. mars 2013 voru 400.000.000.

Kynningarfundur þann 29. apríl 2013

Kynningarfundur fyrir fjárfesta og markaðsaðila verður haldinn mánudaginn 29. apríl 2013 í höfuðstöðvum félagsins að Borgartúni 37 í Reykjavík og hefst hann kl. 08:30. Þórður Sverrisson, forstóri mun kynna afkomu félagsins. Hægt verður að nálgast kynningarefni fundarins að honum loknum á heimasíðu félagsins, www.nyherji.is.

Fjárhagsdagatal fyrir 2013:

Áætluð birting árschlutauppgjörs fyrir árið 2013:

26. júlí. Hálfsársuppgjör.
25. október. Níu mánaða uppgjör.
29. janúar 2014. Ársreikningur.

Samþykkt árschlutareiknings

Árshlutareikningur var samþykktur á stjórnarfundum Nýherja hf. 24. apríl 2013. Árschlutareikningur Nýherja hf. er í samræmi við alþjóðlega reikningsskilastaðla (IFRS-International Financial Reporting Standards). Árschlutareikningurinn er hvorki endurskoðaður né kannaður af endurskoðendum félagsins.

Nýherji hf.

Hlutverk Nýherja hf. er að skapa viðskiptavinum sínum virðisauka með þekkingu starfsmanna á upplýsingatækni, rekstri fyrirtækja og þörfum viðskiptavina. Nýherji býður fyrsta flokks ráðgjöf og fagþjónustu á sviði upplýsingatækni og vandaðan tölvu-, skrifstofu- og hugbúnað ásamt traustri tækni- og rekstrarþjónustu. Stöðugildi hjá Nýherjasamstæðunni voru 502 í lok mars. Hlutabréf Nýherja hf. eru skráð í NASDAQ OMX Iceland hf. (Kauphöll Íslands).

Árni Vilhjálmsson varaformaður stjórnar Nýherja hf. lést þann 5. mars síðastliðinn. Árni var frumkvöðull um stofnun Nýherja hf. og sat í stjórn félagsins frá upphafi, fyrst sem formaður og síðar varaformaður.

Á stjórnarfundum Nýherja hf. þann 20. mars tók Guðrún Ragnarsdóttir sæti í aðalstjórn félagsins, en Guðrún var kjörin í varastjórn á síðasta aðalfundi.

Þá var Hildur Dungal kjörin varaformaður stjórnar félagsins í stað Árna.

Stjórn Nýherja: Benedikt Jóhannesson, stjórnarformaður, Guðmundur Jóh. Jónsson, Guðrún Ragnarsdóttir, Hildur Dungal og Marta Kristín Lárusdóttir. Þórður Sverrisson er forstjóri Nýherja.

Nánari upplýsingar: Þórður Sverrisson, forstjóri Nýherja, í síma +354 893 3630.

Til athugunar fyrir fjárfesta

Nýherji vekur athygli á því að staðhæfingar sem finna má í þessari fréttatilkynningu kunna að vera byggðar á mati og áætlunum stjórnenda félagsins en ekki á staðreyndum sem hægt er að sannreyna af birtingu tilkynningarinnar. Eðli málsins samkvæmt fela slíkar staðhæfingar í sér óvissu. Athygli fjárfesta er vakin á því að margir þættir geta haft þau áhrif að rekstrarumhverfi félagsins og afkoma verði með öðrum hætti en forsendur gera ráð fyrir í tilkynningunni. Þessi tilkynning verður ekki endurskoðuð eftir birtingu hvað þetta varðar. Staðhæfingar sem finna má í þessari fréttatilkynningu gilda eingöngu á því tímamarki þegar fréttatilkynningin er birt og takmarkast gildi þeirra við það sem segir í fyrirvara þessum.